

ROTARY DEN ESPIRITU DI PASCO

ORANJESTAD(AAN) El a tuma lugar na un manera masha natural.

Un miembro di Rotary Club di Aruba a bini cu e idea pa miembronan haci algo pa nan mes, y cual lo mester afecta comunidad satisfactoriamente.

E idea a sali.

Di con no ta expresa amor y sentimento, pa hendenan den necesidad, doord di duna cada un, un macuto di Pasco?

Pero e Club lo no firma un cheque pa esaki.

Cada miembro di Rotary Club mester contribui den un manera di otro, preparando un macuto, y entrega esaki personalmente na e famianan, algun dia prome cu Pasco.

Un comision activo, presidi pa Sr. Boy Eman, a cuminsa traha y e miembronan a responde.

Nan a dicidi di keda sin come, durante un reunion regular, y spaar e placa aki, pa e proyecto. Esaki a

ser haci pa varios luna. Club mes a contribui tambe financieramente, y finalmente por a financia 300 macuto.

E miembronan di Rotary a bini hunto, pa yena e macutonan, y personalmente nan a entrega esaki na e diferente famianan rond di Aruba.

Hopi famia a ser sorprendi y a keda contento. Tabata un expresion inespresa di amor y sentimento.

E miembronan di Rotary tambe a keda contento.

Nan a haci algo cu significacion, y cu mas balor cu firmamento di un cheque. Nan a expresa nan preocupacion pa comunidad, den un forma bunita.

E espiritu di Pasco cu ta Amor di Dios den Accion, tabata un bendicion pa tur hende, segun un observador a comunica DIARIO.



Dia 29 di December Radio Carina FM lo transmiti su Carina.s Top 100, cu ta e cien cancionnan mas solicita durante e aña aki. E programa lo cuminsa exactamente pa 1'or di merdia, te cu 9.30 di anochi, bou di animacion di e dj-nan Aldrich Croes y Ivan Kelly Jr.

Nan lo scohe tambe e solista di aña, tanto masculino como femenino, album di aña, agrupacion di aña, banda local y varios mas. DIARIO ta conseha tur oyente di bon musica pa sintoniza e grandioso programa aki, via Radio Carina FM-Stereo.

DIARIO TA PARTICIPA NA TUR SU LECTORNAN CU E PROXIMO EDICION DI DIARIO LO TA DIALUNA PROXIMO. PASA UN BON PASCO Y DISFRUTA DI E DIANAN DI FIESTA DEN UNION DI FAMILIANAN Y AMIGONAN. CUIDA CURPA! DIOS DRAMA SU BENDICION Ariba TUR HOGAR NA ARUBA.



Cu Paz reina den boso cas y cu 1981 lo ta un aña
yen di dicha i prosperidad

**BON PASCO
FELIZ AÑA NOBO**

GOBIERNO DI ANTIYANAN HULANDES

*De Regering van de Nederlandse Antillen
Wenst u vredige Kerstdagen toe en dat
1981 U geluk en voorspoed brengt.*

*May there be peace in every home and
May 1981 be a year filled with Joy and Prosperity*

**MERRY CHRISTMAS
HAPPY NEW YAER**

THE GOVERNMENT OF THE NETHERLANDS ANTILLES